

季
正
樓
詩
存

甲寅臘月
刊於滬上

花近樓詩存
初編三卷

瞿鴻禨署



花近樓詩存序

曩讀黔詩導源桐埜端雲振采於玉屏柴翁藹謨於遵義邵亭博學彌宏妍茂之規櫟材逸才亦專麗則之體扶輿靈淑鍾美區陬䟽酌清英騰蕤藝苑暨於今而我庸庵尙書益昌其緒焉夫蘿袞之致不一藻詠之境斯殊集苑枯而飛鳴異者閔乎勢也適陰陽而舒慘別者域乎情也田鄭諸人一起徵車未挂朝籍頤光卷領藻鏡山樊躡屩軍僑控搏簿領謳歌所託寒冗爲多公疏照鼎門參華茂列七誘十醉纒橐乎羣言五志九能肴核乎瑋藝崔從風望準則後生顧雅立朝激昂讜議內

康三輔之民出作八州之督北門鎖鑰望重侯釐東壁
圖書光分列緯揆藻天宇和朱干荅落之章謳吟雲陛
賡黃爵玄雲之曲固宜韶諧金奏詞蔚丹青盧牟百昌
暉麗萬有杜陵吟詠皆屬史材元豐歌行悉闕掌故旗
亭傳黃河之曲畫壁相矜蠻徼織春雪之吟弓衣都遍
英絕領袖微公誰歸惟是冬郎偃轂言懷吹鑿王逸悼
時意窮澆饕雷淵靡散託孤夢以爭王舟壑潛移哀高
邱之無女蓋自庚申應讖而還甲子編年之始崎嶇江
介流冗兵間而公之詩又一變矣挽葵鄉之頽日惻愴
屯設攀獺尾於車輪沈吟壽戚箕餘黍離之泣恐近嬭

人靈均橘頌之篇睠思君子蕉亭迹事渺若前塵蓬累
獨行空師田水觀帝江之妙舞法曲憶於鈞天約懶瓚
之逸倫憂思同乎汐社俯仰家國徘徊死生仰視先達
抱負不同遭際彌戚軫符天之生事侘傺可知效斫地
之悲歌蹇懷誰喻此又開府所言不無危苦之詞惟以
悲哀爲主者矣嗟乎人間何世移天之術將窮生也有
涯藏山之業斯在衣冠南渡分作流人丹漆西行猶敦
微尙九秋肺腑結遺想於蒲卑萬劫修羅託呻吟於藕
孔猥以無文幸承光誦雷霆在戶頓失聆風雨閉門
相存謦產偈儒劂而偷息假副墨而論膺庶幾沈之眚

井比本穴十空之經藏之家衛埒會昌一品之集庚午
十月愚姪黃孝紓公渚謹序

聖德山之業南立於東南長於西人共知西晉之
悲其故也齊梁之世人間所世遂天之命機機主
之悲和靈靈道命此更開報復言不無其苦之隨
其資不同豈獨靈靈道命此更開報復言不無其
之聖命受恩同平也報復於案圖非際天也叶
其空明田水勝帝心之故職志曲盡於陰天餘
人聖德山之業南立於東南長於西人共知西晉之

壬癸之交僕與 庸盦同年並蟄滬上陳迹落落邈若
燕勞微尙謇謇依於蛩駟向秀有觸乍經黃壚管甯無
歸且岸阜帽眷靈修兮易化吹參差兮誰思北祖旣孤
擊漸離之斷筑南歸不復撫元量之碎琴望楚澤而行
吟念周京而寤歎於時白社方張青樓競逐晨賭旗亭
之唱夕聯石鼎之吟時非天寶乃縱八仙之歌世非建
安自標七子之作魚腹將爛而優游釜中燕羽旣鍛而
差池幕上於戲異矣僕與 庸盦獨絃哀歌鍵戶深語
羈鶴一反人民已非荒雞再鳴風雨如晦間有吟諷互
相譌弄 庸盦都兩歲所作授之廁氏屬綴瑣言用鏡

來許僕本恨人亦耽苦語摩挲抄銅狄甯復人間顧瞻玉
堂眞在天上竊不自揆從 庸龔後關右羈客解歌五
噫杜陵野翁潛行二曲而卷施之草苦心先拔婆娑之
樹生意都盡一編流覽萬感橫集神摧氣索聊復序之
甲寅臘日金壇馮煦

花近樓詩存卷一

貴陽陳夔龍筱石

壬子集

上

元旦口號

祇有心香一瓣燒行囊猶賸舊金貂
千門萬戶春何處枕上惓惓夢早朝

和花農同年元旦感事詩韻

朝正猶憶鳳城春曾是
先皇蟣蝨臣解語流鶯辭禁樹問安鸚鵡喚宮人
石填滄海年年恨棋換長安著著

新康樂榮叨

文母賜

年前蒙

慈聖賜康樂直

強扶

衰病拜元辰

新正二日作示亭秋

西望憂何極南歸願未償
浮雲迷向背斜日半昏黃
蕉葉醒殘夢梅花罷晚妝
吾衰君亦病容易感年光

疊韻二首

著手能回一室春全憑靈藥配
君臣閒從松下問童子
始信橘中多壽人耿耿丹心猶未死
蕭蕭白髮尙如新
良醫不解龍蛇讖何況年非已與辰

宮北宮南不算春

津郡天后宮北與宮南塵市最盛每當春時遊人如織

却從海

市狎波臣樓中王粲思歸客坐上何戡舊酒人花徑就

荒容菊傲舞臺初罷泣衣新眉痕又見初三月星宿爭
光尙拱辰

人日夜酌遣興

題詩難寄故園春老病栖遲尙海濱花市酒家猶賣酒
草堂人日不逢人傳來蠟燭千條淚付與煙蓑一葉身
投轄去年賓盡醉

去年人日曾召幕府諸君小飲

豪情今夜減陳遵

題徐母鄭太夫人都梁香閣遺集

通德門前帶草披外家經笥授佳兒誰知賢母清芬遠
別有生花筆一枝

避兵曾遇亂離年陶孟風規閩外傳留得白頭徐孺子

重經劫火護遺編

和潤甫同年人日見懷

未許揮戈學魯陽猶堪濡筆和儲王客星揖客穿花徑
日前日本前駐蘇州領事白須直君來訪乃五年前舊雨也人日懷人憶草堂朔縱
羊存驚歲改更無鼉報覺宵長郵程幸不睽千里醉月
先飛一羽觴

寄許子原兄上海

舞衫歌扇別家筵作客登樓思悄然待燕遲將簾箔下
折花醉當酒籌傳斬新眉樣纖纖月不斷情絲裊裊煙
聞說江南春信早那堪同遇亂離年

和大兄青島度歲

白雲蒼狗皆成幻，萬戶千門豈是春。
徐福原爲蓬島客，陶潛合署葛天民。
觸君骨肉飄零感，顧我江湖老病身。
昨夜六街烽火急，不堪重憶輭紅塵。
昨夕京師兵變，東城焚掠一空。
紛紛割據說平權，殘局誰爭著子先。
一姓河山歸浩劫，五侯家世散輕煙。
馬逢病後偏愁坂，龍遇潛時或在淵。
珠海笙歌津海月，去年猶是太平年。

和大兄見懷

閒從燕市訪屠沽，悔未西泠伴老逋。
却喜家書慰離索，遑論吾道有隆汙。
共看明月關山隔，獨剔寒燈旅館孤。

松菊猶存堅晚節卅年三徑惜荒蕪

風雨彭城夜賦詩東坡心事潁濱知浮生久已如萍聚
行邁何堪詠黍離元夕買燈情寂寂孤臣去國意遲遲
眼前不少興亡恨陶寫無端寄竹絲

十四夜感事作

十年生聚談何易一夕燒殘絕可憐豈買春燈鬧元夜
況聞烽火照甘泉福緣未種先胎禍人事不臧莫問天
獨倚高樓揩病眼兩行淚灑劫灰前

元夜逢京師友人

夕陽紅盡暮天青沽口潮回第幾丁寒夜如逢劉雪舫

春燈猶唱阮懷甯別來風月誰爲主話到滄桑淚已零
同受先朝恩禮渥知交寥落愴晨星

與客夜話疊前韻

壯歲然藜照閣青老來種菜學園丁麻鞋縱不如臣甫
阜帽猶堪效管甯十里鶯花春旖旎夷場十里燈火繁盛一身書
劍客飄零謂嚴晴初徐小舟王次臯諸君門前大似瓜洲渡野火蕭疏

三兩星

樓望三疊前韻

檻外煙嵐一角青檐前響送鐵冬丁石難補處天終漏
陸到沈時地失甯去日樓臺誰管領望風蒲柳已凋零

遲遲春夜開春酌痛飲惟將酒勸星

示亭秋四疊前韻

眉痕難畫遠山青簾爲看雲半捲
丁客裏逢人猶話舊鄉關無地可歸甯
茶鑪烹火含煙輭妝鏡簪花帶露零
記得草堂詩寄遠小窗共倚數春星

昨寄上海許子原兄詩箋

有感五疊前韻

途窮莫問阮瞻青厄運偏教百六丁
已覺褚淵愧袁粲俄聞淩統代甘甯
乘桴北海眠雲晚破斧東山望雨零
太息繁華三輔地燎原誰縱火星星

對榮文忠公丁文誠公遺像有感六疊前韻

淩煙功績炳丹青上相瓜佳少保丁鹿走祇今矜捷獲
鳩居何處卜康甯不長將略心堪鑒曾荷恩知涕欲零
二老九京如可作應憐余髮已星星

花農以詩索筆無以報命作此答之

蓬山笑我無香火卅載班超筆早投祇向南陽畫大諾
難從定武摹雙鉤千人陣謝軍前掃五色花慚夢裏收
莫副詞林風雅意管城原不望封侯

十九日感事

盈盈一水好揚舲門外車曾載酒停客裏未攜新歲歷
但看草色已青青

買燈新罷水衡錢凝碧池頭柳化煙今夜聞君歌一曲

如逢天寶李龜年

許爵廷
弄笛

上元燈火最關情一炬千家野哭聲衰病難持文正節
未慚清議與神明

上清宮觀雲飛揚樓閣參差半夕陽一樣繁華燕九節
花旛零落羽衣涼

夜懷七疊前韻

蕭然四壁一燈青不挽強弓尙識丁晚歲蕭條愁日暮
齟齬孤露感風甯家書金抵遑論價濁酒村沽不礙零
試向北臺觀象緯客星中有少微星

奉酬花農同年紀夢

搔首難尋天外天
醒眼休作夢中夢
門前喜報春水生
窗外還邀明月共
棄官我幸一身閒
那管紛紛鷓鴣
不知有秦況漢魏
此間卽是桃源洞
叩門忽聽聲剝啄
有客新詩遠寄送
詩中說夢夢已奇
夢裏呼天天亦嘗
平生慣結水月緣
雲皺波搖花影弄
曾是南齋待從臣
一朝降謫悲饑鳳
重經劫火身尙在
脫離塵鞅收鞭轡
竭來肥遯海之濱
與我望衡隔宇棟
我亦湖海傷心人
豪氣對君不敢縱
東南吳楚北燕豫
十載旄節愧清俸
別後桓溫柳何堪
老去邵平瓜可種
地僻已無車馬喧

春融時有倉庚哢卧游雲水作生涯

時水流雲在圖新成

病起漁

樵相伯仲昔歲黃梁枕上熟此日香火佛前供舉足方
悲大陸沈赤手難補漏天縫同登 恩榜歌鹿鳴回首

先朝心滋慟唱酬縱難壓元白哀怨庶幾比屈宋有
夢無夢等閒耳善保金軀各珍重

聞潤甫同年移居宣南作此奉懷卽疊酬花農同
年紀夢詩韻

我曾挂冠神武門掉頭早冷春明夢晨張羅網賓客稀
夜話燈火妻孥共鹿走忽逢楚漢爭蝸居或免觸蠻鬩
卜廛暫作葛天民乞湖待訪林屋洞無花四壁不爲歡

僑寓花
木甚多
惟酒一生可斷送五陵年少怪非羣避走未甘

同曹曹與君獨結文字緣有時斧向班門弄君著豸衣
掌柏府謫官猶戀
丹闕鳳沉復京兆美風流一蹶章

臺馬不韉如此榎楠杞梓材可惜竟弗爲梁棟昨夕六
街一炬烈燎原星星火孰縱棋局長安豈易居君本清
卿矧無俸傳聞避地宣南隅繞屋梅花舊日種買書定
覓蹇驢騎攜柑且聽黃鸝啁我欲約君下揚州江左今
無管敬仲我欲勸君返汾曲晉祠花月不堪供十年袖
手作旁觀誰知曾補袞職縫銅駝陌上生荆棘我縱不
言君亦慟遯世何妨學巢許救時轉愧非姚宋津沽咫

尺牘來過定有新詩壓裝重

河隄有感八疊前韻

河隄楊柳自青青一炬誰憐付丙丁
元禮按兵感天寶溫公罷政惜熙甯
亂離賸有孤身在搖落何堪暮齒零
嗚咽金鋼橋畔水漁燈蠨火映疏星

口號九疊前韻

夢斷螭坳瑣闥青豐貂早卸佩東丁
遲遲鐘鼓鳴長樂慘慘風雲護泰甯

先帝梓宮暫安西陵
良各莊爲泰甯鎮轄境

歌到尾聲情

激烈棋成殘局子畸零客中敝笥衣裳在忍檢雙龍舊

寶星

無題十疊前韻

問安鸚鵡惜春青
遼鶴歸來識姓丁
但使羣情皆茂豫
何難舉世慶康甯
柳眠柳起枝無力
莫落莫生葉有零
陽厯大建三十零一日
誰廬卅年根本計
震宮早已黯前星

津門寄懷大兄青島用酬和花農潤甫兩君韻

瓶花養豔春冰寒
永夜思君入我夢
朝來發函得新詩
如話聯牀風雨共
我昨卧病北海濱
囂塵聊避一市閭
壯年薄宦走四方
早歲讀書家六洞
而今老去無能役
逝駒不留白日送
誤落塵網三十年
肯與世人同醉膏
君才卓犖似先子
提戈取印不好弄
式宴方賡筵前鹿

摘毫遂奪池中鳳蓬萊清淺不慣居鳴騶百里逐塵鞿
洊陟二使藩大邦囊無餘錢書充棟邇來神州慨陸沈
鱷魚先向珠海縱子身何幸出重圍廉吏兒孫遑計俸
可惜嶺南萬樹梅一樹一花手親種羅浮煙雨何離奇
劫後但聞野狐哢萬里鄉心逐夜郎伯也吹埴簞憶仲
新得仲書安得長枕與大被一樓花萼足清供忽思慈母手
中綫遊子不歸衣有縫黔山莽莽水迢迢淚滴桃花增
我慟先母塋在桃花園今君肥遯膠州灣恰似微服孔過宋興
來盍作津沽遊滿載風月一帆重

答朱琇甫太史見寄

五夜香慚薦士焚

尊公觀察同舟大梁資勞均著鄙一人恩恩去汴未及鸛薦至今抱歉

門交紀復交羣紅羊換劫身還賸白虎譚經訟息紛戀
闕迴看燕市月思家遠憶罨溪雲聯翩覓我琅玕句
想見揮毫對墨君

花農同年以對月長歌見示極帷燈匣劍之妙雪
後復有書來索觀近作漫賦一律卽用朱太史見
寄韻

那不君苗筆硯焚徐陵才調信超羣鵷鸞舊侶今餘幾
蠻觸爭端未解紛惜少新詩賡白雪獨揩老眼看浮雲
扁舟何日西湖去約略杭州說與君

適得浙書知杭州近事

卽事

數家煙火傍郊闌一水當門漾綠春樓上獨眠花笑客
窗前對語鳥窺人毋忘瓊玉高寒處已是江湖老病身
最感分柑鄉味永

袁仲青觀
察惠食品

思歸何必季鷹莼

花農題水流雲在圖以南海荔支報之

展圖五色筆花開雲水生涯亦快哉笑我一場春夢醒
博公數首好詩來樓臺明滅家何在珠玉連翩手費裁
客裏無嫌可酬贈荔枝香味佐銜杯

雪後自題水流雲在圖冊

不能奮武不能文大半生涯寄水雲湖上已慚真隱士

灞陵尚有故將軍
冥飛處處留鴻跡
高卧時時訪鶴羣
省識春風圖畫意
那知門外雪紛紛

題黃小宋觀察四百三十二峯草堂詩鈔却寄汴

梁

早歲無雙擅盛名
暮年蕭瑟庾蘭成
東坡自訂一家集

兼謂哲弟仲衡觀察南海曾經萬里行
白髮憂時空有淚
黃絕人

道不勝情有自汴來者云梁園舊日賓
朋盛讀罷君詩

百感生余撫汴三載回首惘然

初九夜作

中庭寂寞噪昏鴉
二月春深未著花
飲馬忽添波一尺

亡羊莫辨路三义緣空如坐傳燈室興嬾休尋賣酒家
誰識今宵風月裏有人依斗望京華

花農同年以春分後三日水仙復開詩見示依韻

奉酬

養豔春花凍不開碧闌干外久低徊俄看素萼凌波出
喜有新詩代柬來淡白宜供青玉案輕黃合傍牡丹臺
北俗以水仙牡丹合
種謂之富貴神仙天公大有吹噓力疑是頭番信到
纔

宛在生涯水石中託根羞與百花同哉生已過初三月

綽約先迎廿四風入夢君如漆園吏

來詩有似聞仙蜨
窺窗語句時太常

仙螭
適至

出塵我作信天翁
神仙歷徧飛灰劫

君客歲避居租界幸免京

禍
津兵

肯向東華踏輓紅

答朱琇甫

德星聚處燦文星
拔劍高歌眼頓青
家學遠承負薪客
宗風近紹曝書亭
君歸罨畫攜蓑笠
我擬韜光寄鉢瓶
茂苑鶯花梁苑雪
十年朋舊感凋零

題何潤甫養園圖

劫餘草木記平泉
心遠何妨卜地偏
低築荔牆三五尺
西山青到戶庭前

種瓜垂老戀青門
牛酒曾叨賜上尊
三徑羨君先捷

足十年前已脫籠樊

甘泉烽火六街紅魯殿靈光一畝宮他日相逢圖畫裏
各揩淚眼哭途窮

涵養深時意氣平幽棲肯受一塵驚買鄰買宅均吾願
祇恐長安似奕枰

謝潤甫惠菜蔬

豪奢早薄五侯鯖淡泊如分太古羹
蔬苦半含嘗膽意瓜甜合訂鎮心盟
秀才滋味宜齏粥名士行廚當筍櫻
從此閉門勤種菜咬根深荷故人情

輓子原內兄

一別遂千古扁舟黃鵠磯戊申夏君訪我於武昌節署恩恩別去花朝風

信惡君歿於二月初二日北俗以初二日爲小花朝節蘭室露光晞君有蘭室時

有雙魚至數日前接君申江函何曾五馬肥朝衫早拋卻戢影閉

柴扉

家世金張貴 恩光近上闌臺班隆豸繡治譜出熊九

琴鶴隨身便詩書結古歡一麾江左右處處借劉寬

貽我新詩日河山有異同曲終慚和雪余和章甫寄仙而君但化矣

去忽凌風位業三霄上交情廿載中完人何敢望君來函謂

余進退仕止怪事但書空時局變幻爲千古未有之奇

海濱猶作客忍見劫灰燒華轂承平夢殘燈寂寞宵親

朋杜陵涕兒女謝公嬌

君膝下成行
福不可及

風雨春申浦潮聲

咽暮朝

和答花農

世事浮雲幻太虛
竭來多病故人疏
菊松正擬歸元亮
杖履偏勞過泰初
鄙吝每因三日別
清談勝讀十年書
小樓風月增光霽
爲與先生隔巷居

拈來好句將成功
更有鍾王入腕中
帶草迎人今日綠
燈花速客昨宵紅
臺前市駿先騰價
天外飛鴻早脫籠
名相絲綸名士鉢
祖芬師訓有誰同

不成南渡豈東遷
責備春秋孰任肩
鹿走有人矜捷獲

鶴歸遲我賦言旋墨緣敢詡千秋鑑

君囑題先世贊語來詩有況留翰墨

輝家乘此寶千秋冠古今之句余則何敢

碑誦深慚萬口傳最羨朱顏閒白

髮知君舊是玉堂仙

一泓碧漲共情深夜話挑燈坐漏沈楊柳婆娑宣武恨
梅花鐵石廣平心逢場似奕收殘局入定如僧作苦吟
也學東坡春夢醒水流雲在去來今

詠史再疊前韻

何人請劍學朱虛自壞長城計亦疏鵲賜竟逢天醉後
兔爰空歎我生初經綸北闕宣麻簿功罪南山罄竹書
漫道千鈞關一髮暮年餘氣已尸居

本心堂詩不
卷一
三
徙薪曲突不言功
爛額焦頭上坐中
芳草已非長
信綠
桃花無復武陵紅
將軍戰壘鴛鴦宿
宰相閒堂蟋蟀籠
對此河山愁舉目
風光可與昔時同

絕代雄文誤腐遷
早飛骨相惜鳶肩
舟經牛渚仍容與
車過蠶叢費轉旋
儘有葫蘆依樣畫
祇今衣鉢幾人傳
沈沈春夜狂呼酒
學佛無靈且學仙

聞雞舞劍坐宵深
誰使神州竟陸沈
千戶侯封三戶恨
百年土氣萬年心
賈生痛哭虛前席
屈子憂傷獨自吟
莫謂西山薇蕨苦
國民稱頌到於今

春雨用漁洋秋柳韻

小樓聽雨易銷魂
寒食東風花下門
紅溼綺疏鶯脰夢
綠添新漲鴨頭痕
何人戴笠過梨院
有客提壺入杏村
惆悵萬家春樹裏
隨車往事忍重論

清如零露異繁霜
點點穿花漫柳塘
滴溜疑添銀箭漏
霑衣怕溼縷金箱
曾歌芄黍思郇伯
莫共爲雲笑楚王
紅輦六街塵不起
馬蹏重認日南方

夕陽曾照巷烏衣
多少樓臺景又非
雲屐三叉泥滑澆
煙蓑一枕夢依稀
迎來桃葉嬌含淚
灑徧楊花糝不飛
報道江南歸未得
丁沽留滯寸心違

花飛花落有誰憐
半作香泥半化煙
五色釀成春綺旎

一燈挑盡夜纏綿情深翦韭酬佳客秋老聽蕉感去年
猶賸扶犁好身手勸耕偕隱綠疇邊

和花農並蒂白山茶韻

彩筆雙毫賦色香勝他言語妙君房素馨自合參同契
紅粉應羞列兩行婉卻重圍烘蠨蛸從知連理伴鴛鴦
復園浣讀梅村句共洗燕支卸晚妝

蠨蛸燕支均見梅村拙政園山茶詩

拙政園又名復園

顰影重重映北扉寶珠素奪帶金圍舊盟君憶梅花伴

同氣余慚棣萼輝

新得家兄書

黃嫩似嫌鶯並坐玉投合效

燕子飛白衣本是山人志肯向羣芳鬪紫緋

答琇甫

不遑救過敢言功
李蔡人才本下中
著錄君稱舊史氏
逃名我愧半英雄
樓因近海宜觀日
舟遇收帆不怕風
老去少文心未已
卧遊五嶽藐三公

卻掃多時謝往還
惟將藥裹駐衰顏
窗前聽雨如聽漏
檻外看雲當看山
何意生涯同破甑
應知世運有循環
舊聞日下需朱十
莫向煙波自在間

卽事

漠漠春陰覆短牆
粼粼碧水漫方塘
劇憐白髮催人老
無奈東風似虎狂
晚節已非韓相圃
耦耕惜少晉公堂

門前草色疑書帶敢說黃巾避此鄉

題花農芸巢品茶圖手卷

徐君示我品茶卷謾謾松風撲塵面香色昔從火候添
丹青今更劫餘見曾在蓬山頂上行煎茶風味有餘清
棘院甫看魚蟹眼芸巢新締鷺鷥盟方甄丰字豐可證
曲園訓蔡義尤勝如辨楓橋張句訛漁父江村堪論定
張懿孫楓橋詩江楓漁火句頗費解曲園翁證
爲江村漁父曾賦詩考異余曾刊之寒山寺中詩中有
畫畫中詩絕妙生花筆一枝朱邸雲山留粉本碧紗煙
雨試槍旗 先朝恩禮優詞翰賜茗傳宣侍清讌一從
鯨浪沸中冷貢珍早罷催陽羨君家舊住西子湖龍井

天目雲模糊採茶歌裏花風起盧仝陸羽相歡呼玉泉
清過惠山水昆明浩劫今已矣安得紅泥活火烹寒夜
客來當綠蟻展圖如見圖中人此是桃花洞裏春呼童
鑪邊置一榻千秋交誼續徐陳

花農同年近讀隋尉富娘碑文謂與含真相似成
六截見示意良可感依韻奉和卽以誌謝

一卷華嚴伴早妝心經空教雪衣娘

紋女逝後內人早間必誦佛經一卷

今因多病輟誦

珠從慈母擎中奪

黃仲則句

忍賦新詩續兩當

涼月高高照我廬小窗猶倩碧紗糊一年好景今宵盡

悔不當初乞鑑湖

乙巳六月望後月色甚佳女猶倚窗眺望越日病亟遂至不起臨危猶勸

早日乞退延誤至今致
成斯局無可挽救傷哉

百年世事豈勝悲兒女鍾情計亦癡留得白頭老夫婦
雙雙病燕羽差池

斷句黔詩百卷中紅閨女伴幾人同假年若續中郎業

莫鄭應推林下風

女零篇賸句由吾宗松珊給諫採入黔詩紀畧鄭經巢莫邵亭兩先生詩

乃黔中巨擘女詩附
入亦差慰吾悲已

絕代雄文信手拈曲園詩興右台添煩將慧業傳吾女

煙鎖西湖月一奩

女墓在曲園老人之西余與內人亦營生壙干戈徧地欲歸不果殊爲悵

悵

何論前身與後身古今俱是有心人隋碑悱惻徐才豔

句句芬芳字字新

題花農葦絮圖

筆底尋邱壑多君自在間
客中鴻寶祕魂夢繞家山
鳥集延秋門駝眠荆棘裏
何如蘆花中潮來風不起

上巳郊外散步

病起春已深不知何時節
牆頭穠李花一色白如雪
惠風拂我面天朗氣清絕
舊雨期不來門外少車轍
扶筇過前溪未妨屐齒折
獨遊興轉酣感時心彌結
去年逢此日睦堂芳筵設
黃龍與清酒舊盟敦歆血
亡何大錯成失計六州鐵
佳兵又不祥霎時天地裂
我掌北門鑰

無補金甌缺一官等敝屣甯詡明且哲逸少蘭亭叙懷
抱洵高潔杜老麗人行憂思託歡悅昔賢不可作望古
情切切短垣花正飛疏籬筍新茁今年罷觴詠已覺生
涯拙明年在何處遊蹤信馬埒原頭叫脊令枝上鳴鷗
鳩垂老念家山行與滄海別

遣興

雲水相望寄此身鶯花爲主我爲賓忽逢滄海橫流日
不見長安多麗人鬱鬱孤懷誰共語萋萋芳草可憐春
去年三月初三夜奎壁星輝拱北辰

題花農同年手臨管仲姬書璇璣圖詩並仇實父

補圖四幀長卷

生面春風畫本開七襄雲錦手重裁色絲何止題黃絹
新詠眞堪續玉臺誰似連波能悔過從知孝穆本多才
鷗亭綵筆十洲卷神化丹青妙脫胎

題花農侍郎手書司馬溫公遺論長卷

天水政不綱變法始熙甯天人豈足恤何止苗青青溫
公自洛來老成有典型善變莫若因一一回天聽譬如
降甘雨頓洗蛟涎腥當時稱賢相後世挹德馨侍郎尙
論古山隰思榛苓錄公奏對言典重比六經今日是何
日元黃入晦冥安得相司馬黨禍銷無形還君戲鴻卷

酒酣擲青萍羹沸夫何說守口應如瓶

和答花農

文體初唐盧照鄰清詩又似宋堯臣湖樓衣鉢師承舊
臺閣絲綸祖德新三月鶯花常作客扁舟蝦菜未歸人
十年收拾觀棋眼重見長安劫後塵

柴門臨水爲君開三徑深深闢草萊卷幔雲排嵐影出
賣餚風送市聲來閒中花木誰爲記如此江山正費才
綠意半酣春半老芳情鎮日減方回

再和花農

絕少援師乞四鄰更無籌策倚宗臣五銖錢好猶思漢

一代文雄竟美新附鳳已多長樂老捕魚尙有武陵人
劉郎前度今何在淚灑桃花不染塵

江上樓船鐵鎖開點煙今又繞登萊潛藏地氣鷗先覺
離亂家書雁帶來消渴劇憐司馬病愈風深愧孔璋才
堂前燕子原如客舊主相逢笑幾回

二疊前韻柬花農

數家煙火自成鄰雁戶而今盡雁臣星斗無殊躔度改
江山依舊畫圖新客來我自慚驚坐春在君堪作替人
看徧青青楊柳色詰朝一雨浥輕塵

酬唱偕園蘚徑開惜無博議續東萊

適與內子商定
偕園酬唱集閒

留半榻貓兒卧頻定新巢燕子來舊院人猶歌舊曲庸
庵天許老庸才寶葵亭上如相憶應有詩筒日往回

四疊前韻柬花農

吳剛月府喜爲鄰

謂綱齋

更識談經朱買臣

謂琇甫

薏苡明

珠幾恩怨蘭苕翡翠相鮮新毫端盧駱王楊體眼底棕
黃黑白人明鏡菩提兩清絕心中何處著埃塵

年老看花霧眼開如公壽相祝臺萊便攜柑酒聽鷗去
偶挾琴書載鶴來儘有五湖容范隱不登兩府惜蘇才
偏師未可摧強敵築受降城此一回

題何潤甫雲山春宴圖

斜街花市一春妍
牆外西山數點煙
絕似晉祠風日美
銜杯同話太平年

花農示 純廟賜徐文穆公詩卷敬遵元韻

帝眷優元老臣心勵匪躬
五言賡和盛一德感孚同
臺閣星辰上江湖歲月中
祖芬期步武盜弄值興戎
呵護勞賢母飛騰出幼沖
天章仍世守雲路豈途窮
故國餘喬木清門自素風
回思太平日撥亂之姚崇

和答顧漁溪

當門一水碧成溪
小結雲巢帶月棲
沽酒煙迷高下路
賣餠風送短長隄
簾前紫燕差池影
窗外黃鶯自在啼

花邊樹詩在 卷一
難得天涯逢舊雨河梁別後手重攜

夜聞內子吹笛

蕭瑟鄉關庾信愁晚春涼雨夜如秋聞君三弄梅花笛

楊柳青青感陌頭

示花農

正擬尋君到九溪

九溪十八澗爲西湖之勝

巢林許借一枝棲

余亦居

杭州

門前老鳳兼雛鳳

諸郎均有聲

湖上蘇隄間白隄喜有詒

謀歌燕翼

近日有抱孫之喜

不堪反哺感烏虵

君幼承母夫人之教屢見詩篇

十年珥筆西清夢曾惹天香兩袖攜

感懷四首疊前韻

蠻江薄宦溯青溪

先大夫試令黔中實任青溪鶴去巢縣棄官後值苗亂遂寄籍焉

空子尚棲聽雨牀聯深巷屋讀書燈射小河隄

貴陽鐵局巷小

河坎余兄弟均曾卜居

聲慚雛鳳丁年感哺反慈烏子夜嘯四上

春官兩秋試藍袍曾著劍曾攜

卅年舊夢浣花溪梁燕雙雙玳瑁棲

甲申入蜀就姻

石室細商

經峪字

時與尊經院長王壬秋先生過從

離堆親勘竹籠隄

灌縣離堆秦時李冰

開鑿平均內外江之水以竹籠石爲隄分水灌漑三十六州縣田畝蜀人至今利賴余嘗隨稚簞宮保親行履

勘蟬吟幕府秋風急猿送歸舟夜月嘯打疊輕裝行萬

里書囊合共鏡臺攜

乙酉初冬余與蓮漪夫人萬里橋買舟由蜀而鄂旋即北上

東下重經報母溪

在黔湘交界處著名險灘

衡陽回雁此羈棲

奉命入蜀

旋移客卿置酒歡高會督鄂兩年中兒女如花唱大隄

湖廣

襄陽大隄荆州

外邦交輯睦

萬城隄均完好

一自新樓黃鶴杳黃鶴樓舊燬光緒年間改建新樓略存梗

概自經兵燹那堪故國杜鵑啼江湖徧地干戈滿魚爛

不可問矣

何人任撫攜

丁沽卽是武陵溪避世何妨海上棲國破忍瞻烏集屋
土崩奚止蟻穿隄濁清似水資揚激新舊逢人雜笑啼
舉目依然風景麗踏青早擬一筇攜

奉酬花農紀夢見寄

情天刻畫總難工喜入高人一夢中鬱鬱八年誰慰藉
紛紛七國競雌雄滄桑換劫成今日鞍馬從軍有古風

不少謝家兒女恨愈指老眼愈朦朧

夢中過我談詩并見吾女侍側

題黃小宋觀察道裝小影卽寄大梁

滿地滄桑一角巾畫圖省識劇酸辛
逃名自有眞靈業抱道能完太古春
舊日夷門飛舄地家風黃石授書人
逢君莫問中原鹿我亦紅羊劫後身

以松珊給諫所輯黔詩紀略後編刊本分貽花農
同年辱承賦詩枉謝依韻和答并柬給諫

篇如聯錦句穿珠辟易眞堪敵萬夫
珠價昆池兼合浦錦文紫鳳雜天吳
詞源河海推桐野

吾鄉詩派以桐野宮詹爲先河道光

中鄭經巢莫邵亭兩先生繼之
說部家風薄繼儒莫道夜郎爭漢大
清

芳原不限方隅

戶誦家絃十葉傳心香一瓣焚鄉賢卻從雅道陵夷日
遐想承平鼓吹年文獻遐荒留定本姓名弱女附羣仙
重煩獎借徐陵筆鴻雪輜軒早締緣

沅叔提學由滬至津出示南中詩卷喜賦一首卽
用客冬送別韻

一編子瞻集奚止作堯臣南浦昔爲別西湖新買鄰

君曾

兩遊西湖得詩甚富余亦買宅湖上尙未能歸隱也賜秦天亦醉思漢意難申又

換昆明劫了沾遇故人

奉和大兄春歸元韻

東風無力客何依，忍見春從柳外歸。
頓解貂尋浮白醉，亂飛鶯惜落紅稀。
雲霞海上成餘綺，星斗天邊燦少微。
我已倦游君大隱，花時甫過負初衣。

客有饋鱖魚者，分半贈花農，媵之以詩，卽用見懷韻。

無魚渴想甚無車，一葉扁舟貫柳斜。
擘膾新登盤裏玉，躍鱗曾蹴浪中花。
明知廣座鯖筵盛，敢向荒廚食譜誇。
還憶四腮鱸味美，秋風未起客思家。

疊韻一首

逢僧月下且皈依，夢裏家山豈算歸。
紫竹林中魚價貴，

鱗魚新

入市 且蘭城外雁書稀未妨楚客傷憔悴賸有黎臣

感式微春色已闌吾亦老廿年悔作嫁裳衣

和花農留別卽送還京時正校刊拙集撥冗作答

工拙非所計也

重經燕市訪屠沽劫火昆明尙此湖遠道縣縣憑鯉素
新詩一一握驪珠坐中有客悲三戶亂後何人賦兩都
翹首延秋門外路城烏應少夜飛呼

一水門前綠影涵客來倒屣接高談俄看瞬眼茶初熟

惜少鯖筵酒半酣

夙疾不良於坐未
留小飲深以爲歉

此日簪花妙風格

大題水流雲在
圖作簪花細楷

昔年種柳落江潭

君謂余若在鄂不至
有去年八月十九日

之變聞之主臣無已夷傷滿地悲三輔寄語燕人慎作函

俊遊不借短筇攜畫壁旗亭訪舊題君屢作津門之遊老健加

餐吟飯顆興酣和墨試端溪一春芳訊飛紅雨兼從四月初間

北上九代 恩榮降紫泥他日西泠相造訪俞樓高處共

登躋

劍氣珠光共十分洪穉存嘗云黃仲則詩珠光七分劍氣三分已詩則劍氣七分珠光三分

君殆兼而有之愛公博雅服公勤但愁我輩多離別不管天公

易醉醺夢繞齋南曾珥筆名馳冀北早空羣雲山儻晤

吟梅遜謂何梅叟煩把詩篇質此君

和花農韻並以贈行

驪唱聞門外駝眠感棘中汪波欽叔度別賦續文通桂
籍淵源早蘭因臭味同黑頭成市隱青眼豈途窮書劍
逢今雨衣冠守舊風枕雞猶喔喔戎馬尙怱怱我愧三
年鑰君縈兩地衷何時買吳榜無處醉邾筒草已看新
綠塵還戀軟紅臺尋碣石隗碑訪覃谿翁不盡溯洄意
遑矜唱和工白衣蒼狗事搔首問天公

和花農都門見寄韻

接葉成陰晝掩關

君宅有接葉亭

葵亭銷夏勝萸灣

又有寶劫葵亭

經白雁蒼鵝後心在青松紅杏間筆底千言追北地牆
頭一角看西山芒屨重踏宣南路想見詩人日往還

謂何

梅

遣懷用花農韻

地僻經春小住佳一椽聊築讀書齋塔鈴對語雙尖峙
塘鏡新磨萬綠揩浮白好邀明月醉送青惜少遠山排
天涯已是飄零客便擬攜家到葛懷

漁溪奉母還鄉詩以送之

如此長安豈易居錦衣旋里奉潘輿班荆道左交原古
拜母堂前禮尚疏八口劇憐君去後百憂翻憶我生初
何時湖上騎驢客來訪蘇門隱士廬

初夏偶作

紅板橋西寄一廬碧欄干外長苔錢風來何止清雙袖
日上無妨過八軋怪事但聞聲咄咄解嘲空負腹便便
北窗歲月羲皇世已是紅羊劫後天

客歲九月陝西錢幹臣方伯甫權撫符卽丁世變
見危授命絕處逢生今春歸里訪我津門喜其大
節凜然意興如舊作此貽之匪云長歌代哭實亦
各保歲寒之意云爾

潼關四扇失鑰鎖甘泉夜半傳烽火殺氣殷天天不醒

沈沈爲王夥涉夥音聲樹底一書生

陝藩署爲唐中書省有音聲樹君權

撫篆仍居署中

晨治案牘宵談兵秦亂未已臣力竭拚將一死

酬大清鴻毛泰山孰輕重可惜無人患難共絕少生理
竟逢生祇今痛定猶思痛絲絲血裹金創痕啞啞烏辭
延秋門幸全骨肉依慈母直把心肝奉至尊一自街
亭寬吏議不降卽走紛得計東南連帥儻如君那有神
州陸沈事劇憐身世等飄蓬亂後歸來途轉窮帆收申
浦愁看月潮打丁沽險走風昨來訪我只樓上面目雖
槁神采王能邀列聖在天靈有媿謀國諸將相解衣
磅礴蘆簾前胸際瘡瘢大如錢鞞刀志縱酬光弼馬革
尸不畏文淵太息年來多糝政文臣愛錢武惜命長城
自壞夫誰尤天河洗兵何日淨我亦紅羊劫後身老病

栖遲尙海濱逢君頓灑英雄淚同是滄桑過眼人

奉和大兄遊勞山詩元韻

去年卧病不看山紅樓百級懶登攀今年忽作觀棋客
割據紛爭幾籌策酒酣斫地撫孟勞仰視北斗星辰高
海濱避地夫何有颯颯天風生怒濤勞山去此幾千里
仙魄沈沈呼不起書來示我遊山詩如在蜃樓海市裏
少陵吟望嶽興公賦天台未若此間保合橋上小延伫
遙見齊煙九點一一胸爲開聞雞有客獨起舞中原此
日盛豺虎移山昔有愚公愚蹈海今無魯連魯人言天
變奚足畏太息短盡英雄氣何當與君把臂茲山中不

管爛羊幾輩騎都尉翠微閣前鶯始鳴涵碧潭下清濯
纓悵我一病羈絆不得歸來去蓬萊方丈輸君客邸自
游行攜句問天天亦暮回首長安隔塵霧但知笑拍洪
厓肩毋須淚灑田橫墓

懷漁溪同年

茫茫何處卜甯居草草攜家侍板輿花市踏紅雙屐軟
酒樓浮白一燈疏辭吟陶令歸來去詩仿唐賢晚盛初
聞道橫街風月好卜鄰喜接柳堂廬

橫街有吳柳堂吏部宅

寄張馨安督部中州

枌榆父老盼霓旌竹馬兒童夾道迎品望羣欽中嶽峻

笑談喜見大河清艱難仗爾支危局衰病如余愧此生
聞說雪園賓客盛舊遊回首不勝情

王子生日感懷用上年津門留別韻

棋枰難問橘中天琴劍隨身共一肩時事適逢鄭五後
我生愧在孟嘗前曾從夏口招黃鶴早把春心託杜鵑
晨起讀書宵讀畫生涯都付米家船

黃梅時節雨爲霖雞犬仙源歲月深廡下齊眉鴻案舉
鄉關極目雁書沈萍浮大海仍爲客月印寒塘證此心
投鐻蕭公同一笑星星白髮感難禁

攜筇信步未云勞敢詡岑樓百尺高白社何能追老輩

青山依舊向吾曹
觚棱遺恨聽金鑰
湖海豪情脫寶刀
深謝故人雞黍約
門前溪水岸前桃

苓朮微甘薑桂辛
扶衰大藥配君臣
瀛洲方丈蓬萊客
過去未來現在身
懷委琴書仍故我
老非少壯不如人
右台尙有嬌兒女
遥寄梅花五月春

讀大兄和易實甫觀察青島勞山下院看芍藥詩

感賦一首卽步元韻

絕似新妝出漢宮
瑤臺春逗淺深叢
地經劫火燒殘後
人在花容婀娜中
萬籟無聲滄海碧
一枝著色夕陽紅
時危不及唐天寶
惆悵沈香拂檻風

生日遣興和林子有觀察見寄元韻

仙醉合千日佛生慚萬家

來詩有聞道扶馮路謳歌列郡榮之句

閉門惟

卻掃問字尙停車書味閒中永鄉心夢裏賒故人貽錦

句天半絢朱霞

延薰開北牖挹爽啟南榮藤杖隨身便蕉衫著體輕變
聲驚換徵 賜讌憶嘗羹蒲艾天中近生涯驗物情

初度日松山給諫以詩見貽和答一首

高卧羲軒歲月長門前曲水引流觴百年恨事填滄海
萬里歸心繞貴陽賸有青氈仍故物未堪白髮尙他鄉
香羅細葛曾叨賜記捧宮衣出建章

上年端午蒙賞文綺等物於生日由

京頌
到

初度日花農同年以紅榴畫扇並詩二律寫贈可
稱詩書畫三絕感謝二首卽和元韻

氤氲野鶴倦修翎漫奏南飛醉碧醺一日幾回腸轆轤
百年過半髮星星松間月色風前影花下鐘聲夢裏聽
照眼紅榴光陋室未須苔綠草痕青

甲子而今但紀年不成佛亦不成仙君工畫法詩書外
我避秦人漢魏前曾傍星辰看履曳何當風雨話牀聯
拈毫欲作瓊瑤報惜少雲藍十樣箋

端午書懷和朱琇甫太史韻

宮衣昨歲拜 天章疊雪榮身稱短長 上年午日拜 慈聖宮錦之賜

亂後銅駝非故國客中海燕夢雕梁慵斟蒲酒當筵醉

喜有松風拂檻涼紫竹林間好時節球場茶會過端陽

六街車馬一塵驚依斗何堪北望京 京師午日天橋至 永定門遊人最盛

諺云跑 熱車 狐火齊州煙九點猿愁蜀道淚三聲奪標誰競

雙龍渡祓病難尋百雉城 黔俗午日繞城一 周謂之遊百病 額上塗黃

襟染綠故鄉風景不勝情 黔俗午日以雄黃入酒飲後 塗於額上並以蒲艾綴之襟

袂云可避邪兒童 相視以爲笑樂

和答楊怡真觀察元韻

莫謂居夷陋商場事事幽細腰人執挺大腹賈紆籌列

肆拋球樂斜街跑馬游故鄉無此景何必憶黔州
地接長安近星輝析木津翟門今謝客鄭驛舊通賓鑄
錯愁何極書空意未申問年忘甲子或是義熙人
劫後銅駝老閒身此幸存但招風入牖只有月當門舊
雨餘三兩長星共醉昏白衣無相業深愧李長源
與君交十載情素本相通漁艇如招我騷壇合屬公桃
源非世外榴火又天中五嶽何時到恒衡泰華嵩

送嚴晴初大令還貴陽

久客誠非計黔山尙有廬草愁南浦別謾喜北堂舒驛
柳迎歸騎蠻花奉板輿獨憐舊門館風月一窗虛

送崑山兄回貴陽

樵洞觀棋局歌臺散舞衣
亂離君尙在飄泊我安歸
遠道雙僮伴寥天一雁飛
還鄉榮晝錦薇蕨故山肥

周石臣觀察遠道以詩爲壽依韻寄答

逸才貴不因門閥
天馬騰驤自絕倫
梁宋一官資幹略
河汾都講愧陶鈞
愁聞劫火江邊笛
回首蓬山夢裏身
公瑾醇醪人盡醉
本來學養早深純

山際鵲聲水際鷗
碧天無語共悠悠
千門夾道仍蒲柳
一卧滄江幾葛裘
不管羸顛兼項蹶
早拚宅泛與家浮
樵柯收拾旁觀眼
殘局棋枰付晚楸

何當雞黍話耕桑舊學還加邃密商燕雀安知志鴻鵠
狐狸休問有豺狼菊因晚節容彌淡蘭縱無言意自芳
絕似少陵羈旅恨仰看初月雜星光

消息難真感亂離域中今日是何時目窮處處河山異
利競紛紛鵲蚌持天上白衣雲裏物燈前紅豆客中思
才情卅里嗟何及黃絹輸君絕妙詞

與許汲侯夜話

促席清談淚化冰漏深重剔草堂燈簾因近水波頻捲
欄爲看星夜偶凭射虎山中君未老騎驢湖上我猶能
著鞭壯志銷磨易一枕雞聲伴寢興

酬琴初觀察再疊前韻

胸次何曾有炭冰仙家丹竈佛家燈壁間覓句紗籠護
局外觀棋短榻凭燕市酒還邀客醉鳳樓才不讓兄能
君兄弟逢君漫拭新亭淚青史千秋幾中興
詞林

亭秋生日三疊前韻

竹榻迎風簟薦冰敲詩喜共夜挑燈客中玩月高樓倚
劫後看花畫檻凭鼎鑄神姦君有識木支大厦我何能
生朝且醉中山酒鵲蚌紛紛幾廢興

贈吳方臣觀察

春申江上客心愁來作丁沽汗漫游饋藥劇憐衰病久

承贈治
瘍藥物
班荆同話
亂離憂
金融大治
六州鐵
風颭危檣
五夜舟別
後相逢仍
賦別西窗
翦燭淚先
流

送琇甫太史旋里

曾侍三霄傍木天
忍看烽火照甘泉
長安市上慵沽酒
罨畫溪邊好放船
歌到蘭陔笙有什
夢生花管句如仙
才人雅愛居陽羨
我愧東坡未買田

輓何潤甫同年

恩牛怨李竟何如
風馬雲車自卷舒
神武挂冠仍戀闕
養園聽雨渺愁予
春間曾題公
養園聽雨圖
招魂合擊登聞鼓
求稿曾無封禪書
感逝適逢多難日
病中驚起一燈疏

一回相見一回親話到庚辛總愴神白髮漸驚顏色改
黃墟深感性情真余每入觀君必招飲定勞鴻婦修私誅惜少獅
兒作替人遙薦生芻三太息蓬飄我亦客中身

遣懷用子友和實甫韻

栽花種菜老猶能詠月吟風結習曾靜掩柴門緣謝客
偶過竹院喜逢僧狂歌燕市聲聲筑夢落吳江面面曾
今夜小樓聽夏雨紙窗紅濕酒家燈

疊韻一首

圖畫凌煙病未能一場春夢十年曾琵琶有限孤舟婦
瓶鉢無緣退院僧別去州門拋馬策劫餘江渚賸魚罾

蘆簾大有新秋意蟋蟀堂前已上燈

先大夫忌辰設奠誌感

音容追憶淚先潛亂後全生亦大艱四十九年愴風木
七千餘里念家山黃封永祕先朝璽金認曾無再世
環詩禮趨庭如昨日白頭深愧老萊斑

懷人絕句

湘潭王湘綺先生

獨留老眼看滄桑爭說黃巾避鄭鄉湘到急流帆不轉
巋然海內魯靈光

金壇馮夢華中丞

神武門前早挂冠春申江上客衣單年來休問題襟事
漢口斜陽度鳥難已酉秋間君來漢上酬唱甚歡此樂不可再已

侯官沈愛瑄中丞

蘆笙吹罷瘴雲飛鐵柱天南萬里歸不向夜郎爭漢大
手攜琴鶴出重圍

仁和徐花農侍郎

重向京華踏輦紅津門回首又秋風平生三絕詩書畫
貽我時時付驛筒

善化羅申田參贊

巴塘春盡裏塘秋納款應多悉但謀料得維州今夜月

籌邊獨上贊皇樓

臨桂吳方臣觀察

草草吳門寄一塵
怱怱北馬換南船
姑蘇城外寒山寺
可有鐘聲到枕邊

東阿周世臣觀察

江城裂笛落梅花
重到夷門聽鼓笳
寄我新詩都是淚
燒殘紅燭影橫斜

貴筑朱小南觀察

袍笏登場計本疏
一篇平準史遷書
黃紵入道甯初願
似此高風我不如

貴陽鄧花溪觀察

年少花卿笑擲頭錦城絲管不勝愁
潘輿奉母應無恙
翻悔三刀夢益州

應山左笏卿觀察

一別蘇臺又五年羅浮如夢復如煙
知君性不因人熱
劫後歸乘大願船

德清俞階青太史

俞樓風月曲園花再世清芬祖德誇
聞說攜家黃浦上
蘇杭一水渺天涯

貴筑余心田布衣

落落心期與貌同何曾市井在胸中連天烽火無消息
迢遞鄉關有斷鴻

長白貽藹人將軍

請室書成事莫須誰知世路更崎嶇艱難險阻嘗都備
滿地豺狼善保軀

祥符顧漁溪都護

板輿安穩去何之莽莽中原逐鹿馳聞說百泉風日好
循陔合補白華詩

貴陽丁勉初侍讀

平生與俗異涼炎學易還將理數兼大隱不妨居近市

青青書帶捲重簾

貴陽鄧蓮波太守

壯歲才名友顧廚老來市隱雜屠沽東方諧謔溘于笑
風趣如君並世無

開州胡宗武觀察

宦興而今冷似冰草堂得句夜挑燈雪山輕重悲嚴武
應有東歸杜少陵

焦山自然庵僧六澣禪師

維舟曩歲訪僧緇一幅丹青畫裏詩

師善書畫

今夜自然庵

外月料應笑我入山遲

貴陽九華宮主持了塵衲子

普陀禮罷又蛾眉行脚生涯瓶鉢隨最憶九華參妙諦
一天花雨落經帷

六月念二日焚寄昌紋

清晨扶病起烈日變嚴霜眼已滄桑見情難兒女忘無
言惟有淚茹痛且焚香夢想偏無夢仙山何渺茫
時局竟如此九原知未知不圖衰老日又是亂離時苟
活余猶在相思汝勿悲已同阿母約秋後訂歸期

念三夜大雨

置身疑在水雲隈雨點還同漏點催霖望難爲江表出

溜聲偏挾海潮來不妨蕉戰吟秋扇準擬荷喧進壽杯
永夜瀟瀟清到枕未因蚊聚已聞雷

秋夜感舊絕句

長白榮文忠師

十年樹木百年人容保公真一个臣爲問門羅諸將相
幾人留得後凋身

平遠丁文誠公

哲嗣慎五中丞

秋色明湖柳萬條鵲華山翠莽蕭蕭知公再世韋平業
不共齊煙九點消

德清俞曲園先生

遺恨枇杷未掃除劫餘猶賸箸書廬鄭家帶草應無恙
夢繞門前問字車

嘉定廖仲山尙書

乞病江湖狎鷺鷗何知怨李與恩牛羨君兜率歸真早
不見英雄割據秋

貴筑李苾園尙書

盤雕秋老玉門關詔下金雞許賜環恨我還鄉遲兩月
撫棺惟有淚成斑

仁和汪柳門侍郎

瓊筵翦燭話窗西宋槩元鑄費品題襟上酒痕猶是舊

黃公壚下草萋萋

長白端午橋尚書

哲弟叔綱太守

王尊叱馭心猶壯先軫歸元恨未平料得錦官花濺淚
斷猿啼後鵲鵲鳴

大興陸申甫中丞

哲嗣亮臣編修

北向雲山表裏雄霜寒并翦又秋風一門忠孝君何憾
青史千秋論至公

長沙陳伯平中丞

陸氏莊荒不計年君騎箕尾我歸田石湖煙雨閭門柳
最憶秋風話別天

余與君先後出蘄水畢東屏師門下

靈石何潤甫副憲

殘燈無燄夜如何
擗笛新聞薤露歌
怪底命宮先坐謁
一場春夢了東坡

貴筑黃再同編修

金馬傳家未易才
如君端合住蓬萊
蓼莪罷讀身隨隕

桃李無言手漫栽

君奔喪赴鄂旋卽物故才華雅瞻未預掄文之選士論至今惜之

仁和許子衡星使

遠宦休嗟行路難
一鞭六詔又三韓
江湖未冷朝元夢

屬纊良辰值履端

仁和許子原觀察

在邊樓詩存 卷一
一麾五馬返江東舊是西臺御史驄世變亟時君撒手
不留醒眼泣天夢

元和顧幼耕上舍

宅臨錦里百花水心在江南一髮山老傍諸侯常作客
墓門寒食草斑斑

長白恩駿叔都護

郎潛索寞悵離羣肝膽平原喜遇君今日燕山風雨疾
不堪重弔故人墳

貴陽羅質庵太守

涼風天末憶良朋氣節文章羨爾能萬里瀾滄歸骨早

西窗聽雨罷挑燈

泰興王鐵珊戎部

忠宣祠下共論文元旦荒寒獨奠君風義平生幾師友

玉谿不幸哭劉蕡

同官戎部職方司每治事劉忠宣公祠下煮茗論文

貴筑高鶴君大令

自有家風小孟嘗德門孝友善於鄉河陽曾試栽花手

永恨年年夢北堂

君先德心泉先生好客樂施里中有小孟嘗之譽

貴陽周伯方大令

侯陳家世本無倫滿腹詩書不療貧如此才華天亦忌

一官百里了斯人

貴陽朱筠軒觀察

狂歌燕市頻呼酒小隱貲郎不解愁
一自關東持矛節楓青塞黑夢悠悠

貴陽尹心舟訓導

片椽小築讀書齋燈味兒時與汝偕
今夜故人入我夢

月光如水府前街

少時與君同寓貴陽府前街望衡對字吾母延師教讀君來附學

長沙劉漱雲參軍

一路題詩到夜郎敝裘破帽不嫌狂
如何偶病相如渴轉怯江城夏夜霜

貴筑陳盛齋道士

藥鑪經卷羽衣裝那有仙人不死方清淨道場遊俠膽
出家翻比在家忙

榮澤藥肆某相士

扁舟雪夜渡黃河曾向韓康市上過憔悴風塵君識我
卅年一夢醒春婆

送林子有觀察出關卽用留別元韻

投筆班生興未闌一鞭秋色試吟鞍
芰荷亭館燈前夢往歲夏夜與諸君子藏
海園賞荷極詩酒之樂松杏山河馬上
看錢復五銖仍漢制書羅四庫本儒官
岐豐此去尋王迹含涕知君強笑歡

沽口新秋喜晤于晦若同年侍郎卽送其移居青

島兼訛少石大兄

昔年譚笑酒家樓

已酉冬與君夜話於燕市酒樓

今日凭欄涕泗流劫

火重經猶見汝

庚子拳亂共處京都辛亥奇變求如庚子不可得矣

江山一擲又

驚秋路人心共知司馬生計吾將狎野鷗卧病逢君還

强起白蘋風動暮天愁

曾在嚴公坐上逢

乙酉歲余與君初見於西川節幕丁文誠公坐上

謁來東海

聚萍蹤夢憐益部三刀幻

丁未奉命督川未到任旋移湖廣

煙認齊州

九點濃籬寄他人慵倚竹天留晚節早知松

君談次忠憤之氣溢

於眉

平安煩語同行雁莫道悲秋減舊容

贈子有四疊前韻

枕上雞聲夢已闌
著鞭思逐祖生鞍
狂來酒向星前飲
老去花從霧裏看
三戶人猶哀楚些
五株松不受秦官
送君休問陪都事
合與詩書結古歡

挑盡殘燈夜色闌
嘶風老驥怯雕鞍
病中衣帶圍腰減
局外棋枰袖手看
無地起樓留魏野
有人棲谷隱王官
文通賦別傷春草
一夕驚秋更寡歡

一老當關意未闌
計程何日返征鞍
齊州煙點無家恨
巫峽雲愁憶弟看
幾見煩苛除父老
似聞跋扈到材官
盟心願共江清白
琴鶴歸來締舊歡

脫卻朝衫宦興闌也如瘖馬喜離鞍無情江海閒鷗笑
易主樓臺舊燕看鬱鬱孤征千里月紛紛長樂五朝官
遼東早罷蓂貆貢話到興亡總不歡

村居卽事限韻四首

沿隄碧草淨於揩絕勝西涯一角佳雨後人家茅補屋
水嬉兒女竹編排遙天帆影迷丁字近寺鐘聲報午牌
寄廬梁鴻忘作客幽棲喜有孟光偕

句留已屆夏秋交也似杭州未肯拋車走雷聲知客過
門關月色鮮僧敲蒲桃泛甍開新釀筍簌登盤樂野肴
萬綠陰中紅一點小窗燈影透花梢

地偏心遠隔塵凡
瑟瑟西風薄薄衫
墟里煙痕孤縷上
樓臺日影半邊銜
卧聞短笛聲都咽
老見奇書眼頓饒
此意何人能領略
箇中滋味別酸鹹
笠蓑煙雨夢吳江
落葉蕭蕭正打窗
棋局收時仙劫換
詩城築後客心降
斯人不出猶思謝
居士前生合姓龐
遙憶偕園三徑菊
片帆早晚理歸艤

詠古四首疊前韻

岳忠武王

洗面惟將血淚揩
黃龍痛飲意良佳
庭前背早精忠涅
鬪外力難和議排
草草偏安渡泥馬
恩恩歸去奉金牌

風波亭子獨千古喜有銀瓶嬌女偕

韓蘄王

黃天一戰兩軍交回首中原未忍拋日壓秦頭甌頓缺
旗飄梁字鼓同敲冰天雪窖孱王淚山色湖光隱士肴
國事莫談三字獄騎驢隨意指鞭梢

文信國公

魏科綺歲已超凡老去憂時罷舞衫

公少年曾耽聲伎

古誼忠

肝留著作成仁取義是頭銜風雲柴市臣心苦塊肉厓
山敵口饒若與半閒論位業鹽梅調鼎異酸鹹

謝疊山隱士

河山一寸海通江風撼樓船四面窗卦肆曾聞身賣卜
軍書已報表修降變名莫誤登臺謝望古如哀落鳳龐
他日建甯山下過椒漿憑弔繫吳艤

和答琴初五疊前韻

詩壇文壘話更闌倚馬才高善據鞍遼瀋人歸疑鶴化
君有詩問訊錦江書到折鱗看曾接哲兄蜀函遷流已是誰家
趙次山督部臘著作依然舊史官獨羨北堂諉草茂知君菽水足承

歡

和答汲侯六疊前韻

星辰北斗共凭闌

夏夜北臺看星
余有詩紀事

車馬東都暫解鞍君甫

卸京奉鐵路局差使終卷蓼我含淚讀故鄉雲樹帶愁看四唐體
合尋三昧八斗才終遜五官君家羣從多才而聞說城君猶有白眉之譽
南還放棹夜歸留飲故情歡

詠史

威斗持將漢鼎扛維新幾覆舊家邦金匱策擬藏高廟
銅馬兵聞起下江索璽擲階文母恨校書投閣子雲降
漸臺授首君何憾長樂鐘聲自在撞

千里青青草色侵北邙一望感難禁紹橫刀出惟長揖
邕抱琴來誤賞音死後然臍欣代蠟生前築塢悔藏金
劫官犯蹕階誰厲從此神州竟陸沈

九錫文成面遂南碭山一角擁浮嵐命名豈應王中讖
累竊甯知口實慚誰鑒衰朝相鄭五似聞廣坐罵朱三
晉陽已有強兵伺九曲池邊淚眼含

北使傳宣列御屏可憐二聖已衣青闔門受賀心難問
半臂加身醉易醒河北有慚諸父老湖西遂啟小朝廷
徽王又報尊劉豫回首中原戰血腥

題花農侍郎泛月遇仙圖

好花好月自年年雲水光中夢亦仙何日藕絲蘆絮裏
與君重上總宜船

五雲宮闕近蓬萊家住西湖一鑑開不向凡夫誇畫錦

扁舟月夜採珠來

津門晤俞階青太史以詩贈之

晉歲君送我一揖春申江
今秋我遇君直沽艤輕艫
恩六寒暑歲月驚奔瀧
夜靜樂情話明蟾窺紙窗
遑惜更秉燭醉倒酒花缸
說到滄桑事幽咽難成腔
龍鍾措病眼不見舊家邦
安得造化手澆俗回敦龐
祖庭曲園叟高風襄陽龐
經餘築詩壘使我望城降
君今可繼武大力鼎獨扛
簇簇探花郎聲價洵無雙
而我嘆衰老才退筆非枉
隱居在空谷早謝足音聲
譬如退院僧夜半鐘罷撞
又如收場農懸耒輟耕耰
與君一夕語開我中

心憊羣雄競逐鹿比戶時驚尤何當理歸棹西泠採蘭
茫俞樓美風月鬪韻聲琤琮十年感身世愧擁碧油幢
銷除豪士氣湖海徒淙淙

疊韻四首酬寄花農同年兼誌別懷

家住西湖一鏡揩蔥蔥氣鬱鳳山佳相門羣羨金貂貴
翰苑班先玉筍排名下士揮白羽扇御書房進綠頭牌
儒臣遭際斯爲盛臺閣鵷鸞孰與偕

冰壺清澈不須揩結習平生寫作佳五色花生雙管下

八輒日課七言排

公花輒日影集內
七言排律最工

霓裳宛轉聆仙曲

屢賞內
廷聽戲

星使聯翩遞火牌

屢放試差
循例馳驛

老去林逋堅晚節

寒梅無語鶴仍偕

十丈黃塵淨若揩帝城秋日比春佳六街鐙火疏簾影

一角林亭接葉排

公宅內有接葉亭

南淀觀荷中婦鏡西山載

酒女兒牌

浙酒甲天下女兒酒尤著名

最憐舊雨成新塚酬唱詩難

水部偕

謂潤甫同年

溽秋似虎汗徒揩住已無聊去亦佳蟾隔牖愁千里別
雁隨帆送一行排情移松浦鱸鄉權夢繞長生鹿苑牌
桂籍晨星今賸幾圖成笠屐約君偕

詠史疊韻四首

椎秦責重力能扛佐漢功成美造邦書受師曾拜黃石

箸籌兵已散烏江足跟銷印六王畢羽翼投羅四皓降
願訪赤松辭赤帝玉釭徒笑范增撞

高名肯受俗塵侵遼瀋無家感不禁阜帽多情原故物
繩牀偃息幾知音交全根矩羞分席老傍公孫却贈金
一卧海濱三十載那知炎運有升沈

攜鋤種豆愛山南北牖煙開一抹嵐佳日春秋聊自遣
高風懷葛本無慚河梁嗣響言工五松菊怡情徑就三
老去編年書甲子墨花和淚筆中含

疏鐘早晚度南屏宅買孤山一角青閣迴居巢高士卧
湖濃似酒幾人醒鶴梅有伴偕妻子封禪無書到闕廷

莫向錢塘江上望胥潮怒捲浪花腥

花近樓陂塘北岸茅屋數椽雨後水勢浩漫人在浪中是可慨也

一雨連城白人家水氣中眼前已如此隨處有哀鴻

王子八月余將有申江之行同人先期咸集花近樓公餞卽席放歌兼以留別

微雲點綴秋河漢花近樓頭夜張醺問字時勞載酒過

擊鉢喜爲催詩便

諸君竟日作擊鉢吟

詩酒流連春復秋俊游雅

集一時彥庸知良會是離筵有客臨觴發長歎憶昔

景皇御極初恩榜題名年未冠邇時國家正全盛六

街燈火昏達旦蓬山未結翰墨緣廿載郎潛甘允散藥
階甫詫金帶貴草澤忽遘紅燈亂三輔艱難忝留守十
國鋒鏑滿郊甸翠華西幸晉與秦兩疏回鑾萬人看
下走行在謁帝回疆索吳蜀湘鄂汴前歲移節掌門
鑰去年陸沈驚世變一木難將大厦支滄桑頃刻眼中
見挂冠神武違初志夢魂猶繞通明殿海隅棲隱百不
聞頻荷諸君意繾綣有時踏月叩荆扉有時冒雪騎欵
段幾人松下劬苓來幾輩花閒習茗戰嗟余卧病莫能
興禮捐迎送甯辭慢是邦信美非吾土扁舟蒞膾學張
翰折盡津門柳萬條條條難繫南征雁芳樽祖餞歡今

夕過後思量魂總斷座中諸子皆人豪賓主東南美竹

箭傅

沅叔孫蔭庭學使司使

海上奉檠血錐穎早從處囊見舒子

直夫

胸中有甲兵白君

栗齋觀察

腕底飛素練王

叔魯譯使徐升

觀察

向叔葉文樵

暨俞

仲韓

李伯芝

從我及門同患難

錢

幹臣胡

惜仲

徐

星曙

許汲侯

皆舊姻王謝風流羣豔

羨深情直可擬汪倫久客料應憐王粲盤登紫螯味方

濃漏滴銅龍夜過半酒酣出門觀天象星月朦朧色莫

辨我輩當筵切切譚有人望

帝聲聲喚

丙子談及兩宮悲不

能勝側聞中原競逐鹿捷足空勞馬牛汗南北車書本混

同域中未可鴻溝限同受

先皇恩誼渥記否東朝

傳賜宴興亡一代關人事功罪千秋有定案我行仍是
未歸人滬濱暫飽脫粟飯風景無殊忍舉目青山一髮
江一綫應有平安報故人布帆儻遂乘風願獨惜數稔
相盤桓蛩蛭無端作勞燕他時申浦荆喜班此日下沽
糴愁判沈沈四座悄無言燭花淚溼新詩卷

卽席聯句

花近樓話別聯句五言排律三十韻

久聚難爲別

庸菴

高樓共此宵濕雲低檻出

沅叔

疏雨

入簾飄離緒爭秋發

惜仲

新涼向夕招催詩頻刻燭

汲

侯對譜憶修簫短榻和愁倚

芷升

寒檠話舊挑庭柯聲

瑟瑟

栗齋

鄉樹路迢迢歸思聯花萼

幹臣

征驂拂柳條

臣心盟白水

蔭庭

民澤紀紅橋近喜朝簪謝

文樵

還將

塊壘澆淞江愁不翦

伯芝

燕市恨難銷狝座陪清讌

仲

韓

魚更轉麗譙華燈催夢醒

向叔

碧淺泥人嬌檢韻搜

瓊笈

叔魯

升歌透絳綃鑪香輕作篆

星曙

花氣湧如潮

沙磧方沈鏹

直夫

煙波好放橈耐寒梅與共

庸菴

招隱

芋能燒寄夢明湖曲

沅叔

希風左海遙枚生曾橐筆

惺

仲

巢父已懸瓢瘦鶴翎空刷

汲侯

修蛾黛肯描塵鞿迴

馬足

芷升

詩卷束牛腰應候知桐葉

栗齋

延齡刷藥苗

嬾隨雲出岫

幹臣

坐待斗回杓良會成真率

蔭庭

平生

重久要鱸莼羈宦想

文樵

雞黍故人邀行役嗟頭葆

伯

芝聆音辨尾焦畫圖思笠屐仲韓興誦雜歌謠樹植三

珠盛向叔門榮六闕標鶴樓寒倚笛叔魯虎阜舊乘輅

賃廡賡偕老星曙看山許采樵長亭風信晚直夫揮手

又明朝庸菴

花近樓詩存卷一